

# 卷十四

## 陽明先生文錄卷之一

書一

始正德己巳至庚辰

與辰中諸生 己巳

謫居兩年無可與語者歸途乃得諸友何幸何幸  
 以為喜又遽爾別去極快快也絕學之餘求道者少  
 一齊來楚最易搆奪自非豪傑鮮有卓然不變者謹  
 友○字○砥○礪○夾○持○務○期○有○成○近○世○士○夫○亦○有○稍○知○求  
 道者因實德未成而先揭標榜以來世俗之謗是  
 以○此○輩○墮○無○立○反○為○斯○道○之○梗○諸○友○宜○以○是○為○鑒  
 勿○務○於○切○已○處○着○實○用○力○前○在○寺○中○所○云○靜

書名 陽明先生文錄十七卷 嘉靖二十六年  
 張良才重校刊本  
 撰者 明 王守仁 撰  
 卷 卷十四  
 內容分類 集 別集 明中葉  
 索書號 集部 別集 7- 28- 1  
 編號 D7431500

彩色首頁1

東洋文化研究所漢籍目錄 編號: D7431500

東洋文化研究所漢籍目錄所藏漢籍善本文影像資料庫 索書號: 集部 別集 7- 28- 1

漢籍善本文影像資料庫文本 陽明先生文錄十七卷 嘉靖二十六年張良才重校刊本

版權所有: 東京大學 東洋文化研究所

使用上的注意事項

陽明先生文錄卷十四

江西詩一百二十首

正德己卯年奉勅往福建處叛軍至豐城遭宸濠之變

趨還吉安集兵平之八月陸副都御史巡撫江西作

鄱陽戰捷

甲馬秋驚鼓角風旌旗曉拂陣雲紅勤王敢在汾淮  
後戀闕真隨江漢東群醜漫勞同吠犬九重端合  
是飛龍消埃未遂酬滄海病懶先須伴赤松

書草萍驛

九月獻俘北上駐草萍時已暮忽傳王師已  
及徐淮遂乘夜速發次壁間韻紀之二首

一戰功成未足奇，親征消息尚堪危。  
邊烽西北方傳警，民力東南已盡疲。  
萬里秋風嘶甲馬，千山斜日度旌旗。  
小臣何爾驅馳急，欲請回鑿罷六師。  
千里風塵一劍當，萬山秋色送歸航。  
堂垂雙白虛頻䟽，門已三過有底忙。  
羽檄西來秋黯黯，關河北望夜蒼蒼。  
自嗟力盡螳螂臂，此日回天在廟堂。

西湖

靈鷲高林暑氣清，竺天石壁雨痕晴。  
客來湖上逢雲起，僧住峰頭話月明。  
世路久知難直道，此身那得尚虛名。  
移家早定孤山計，種菓支茅却易成。

寄江西諸士夫

甲馬驅馳已四年，秋風歸路更茫然。  
慚無國手醫民病，空有官銜縻俸錢。  
湖海風塵雖暫息，江湘水旱尚相沿。  
題詩忽憶并州句，回首江西亦故園。

太息

一日復一日，中夜坐嘆息。  
庭中有嘉樹，落葉何淅歷。  
蒙翳亂藤纏，寧知絕根脉。  
丈夫貴剛腸，光陰勿虛擲。  
頭白眼昏昏，吁嗟亦何及。

宿淨寺四首

十月至杭，王師遣人追寧康，復還江西，是日遂謝病退居西

湖作

老屋深松覆古藤，羈棲猶記昔年曾。  
棋聲竹裏消閒晝，藥裹牕前對病僧。  
烟艇避人長曉出，高峰望遠亦時登。  
而今更是多牽繫，欲似當時又不能。

常苦人間不盡愁，每拚須是入山休。  
若爲此夜山中宿，猶自中宵煎百憂。  
百戰西江方底定，六飛南甸尚淹留。  
何人真有回天力，諸老能無取日謀。

百戰歸來一病身，可堪時事更愁人。  
道人莫問行藏計，已買桃花洞裏春。

山僧對我笑長見，說歸山如何十年別。  
依舊不曾閑。

歸興

一絲無補

聖明朝兩鬢徒看長，二毛自識淮陰非。

國士由來康節是人豪，時方多難容安枕。  
事已無能欲善刀，越水東頭尋舊隱。  
白雲茅屋數峯高。

即事謾述四首

從來野性只山林，翠壁丹梯處處尋。  
一自浮名縈世網，遂令真訣負初心。  
夜馳險寇天峰雪，秋虜強王漢水陰。  
辛苦半生成底事，始憐莊舄亦哀吟。

百戰深秋始罷兵，六師冬盡尚南征。  
誠微未足回

天意性僻還多拂世情，烟水滄江從鶴好。  
風雲溟海任龍爭，他年若訪陶元亮，五柳新居在赤城。

宵宵深愁伴客居江

船風雨夜燈虛尚勞

車駕臣

多缺無補瘡痍術已

踈親老豈堪還遠別時危那得

久無書明朝且就君平卜要使吾心不負初

茅茨松菊別多年底事寒江尚客船強所不能儒作

將付之無柰數由天徒聞諸葛能興漢未必田單解

誤燕最羨漁翁閒事業一竿明月一簑煙

泊金山寺二首

十月將趨行上

但過金山便一登鳴鐘出迓每勞僧雲濤石壁深龍窟風雨樓臺迥佛燈難後詩懷全欲減酒邊孤興尚堪憑巖梯未用妨苔滑曾踏天峯雪棧冰

醉入江風酒易醒片帆西去雨冥冥天迴江漢留孤柱地缺東南著此亭沙渚亂更新世態峰巒不改舊時青舟人指點龍王廟欲話前朝不忍聽

舟夜

隨處看山一葉舟夜深霜月亦兼愁翠華此際遊何地畫角中宵起戍樓甲馬尚屯淮海北旌旗初散楚江頭洪濤衮衮乘風勢容易開帆不易收

舟中至日

歲寒休嘆滯江濱漸喜陽回大地春未有一絲添衮繡謾提三尺淨風塵丹心倍覺年來苦白髮從教鏡

裏新若待完名始歸隱桃花笑殺武陵人

阻風

冬江盡說風長北偏我北來風便南未必天公真有  
意却逢人事偶相參殘農得暖堪登獲破屋多寒且  
曝簷果使困窮能稍濟不妨經月阻江潭

用韻答伍汝真

莫怪愁隨日夜深干戈衰病兩相侵孤腸自信終如  
鐵衆口從教盡鑠金碧水丹山曾舊約青天白日是  
知心茅茨歲晚饒風景雲滿清溪雪滿岑

過鞋山戲題

曾駕雙虬渡海東青鞋失脚墮天風經過已是千年  
後踪跡依然一夢中屈子慢勞傷世隘楊朱空自泣  
途窮正須坐我匡廬頂濯足寒濤步曉空

楊遂菴待隱園次韻五首

嘉園名待隱專待主人歸此日真歸隱名園竟不違  
巖花如共語山石故相依朝市都忘却無勞更掩扉  
其二

大隱真屢市名園陋給孤留侯先謝病范老竟歸湖  
種竹非醫俗移山不是愚是日公方移山石對時存燮理經  
濟自成謨

其三

綠野春深地山陰夜靜時  
冰霜緣逕滑雲石向人危  
平難心仍在扶顛力未衰  
江湖兵甲滿吟罷有餘思

其四

茲園聞已久今度始來窺  
市裏煙霞靜壺中結構奇  
勝遊須繼日虛席亦多時  
莫道東山僻蒼生或未知

其五

芳園待公隱屯世待公亨  
花竹深臺榭風塵暗甲兵  
一身良得計四海未忘情  
語及艱難際停杯淚欲傾

登小孤書壁

人言小孤殊阻絕從來可望不可攀  
上有顛崖勢崢嶸下有劔石交巉頽  
峽風閃壁船難進洪濤怒撞蛟龍關  
帆檣摧縮不敢越往往退次依前山  
崖傍沙岸日東徙忽成巨浸通西灣  
帝心似憫舟楫苦神斧夜闢無痕斑  
風雷倏翕見萬恠人謀不得容其間  
我來銳意欲一往小舟微服沿回瀾  
側身脇息仰天竇懸空絕棧蛛絲慳  
風吹卯酒眼花落凍骨丹梯足力孱  
青鬣吹雨出仍沒白鳥避客來復還  
峰頭四顧盡落日宛然風景如瀛寰  
煙霞未覺三山遠塵土聊乘半日閒  
竒觀江海詎爲險世情平地猶多艱  
嗚呼世情

平地猶多艱回瞻 北極雙淚潺

登蠓矼次草泉心劉石門韻二首

中流片石倚孤雄下有馮夷百尺宮灑灑西蟠渾失  
地長江東去正無窮徒聞吳女埋香玉惟見沙鷗亂  
雪風往事淒微何足問永安宮闕草萊中  
江上孤臣一片心幾經漂沒水痕深極伶撐住即從  
古正恐崩頽或自今蘚蝕秋螺殘老翠蠓鳴春雨落  
空音好携雙鶴矼頭坐明月中宵一朗吟

望廬山

盡說廬山若箇奇當時圖畫亦堪疑九江風浪非前  
日五老烟雲豈定期眼慣不妨層壁險足踣須着短  
筇隨香爐瀑布微如綫欲決天河瀉上池

除夕伍汝真用待隱園韻即席次答五首

一年今又去獨客尚無歸人世傷多難親庭嘆又違  
壯心都欲盡衰病特相依旅館聊隨俗桃符換早扉  
其二

向憶青年日追歡興不孤風塵淹歲月漂泊向江湖  
濟世渾無術違時竟笑愚未須悲蹇難 列聖有遺  
謨

其三

正逢兵亂地況是歲窮時天運終無息人心本自危  
憂疑方并集筋力頓成衰千載商山隱悠然獲我思

其四

世道從厄漏人情只管窺年華多涉歷變故益新奇  
莫憚顛危地曾逢全盛時海翁機已息應是白鷗飛

其五

星窮回曆紀貞極起元亨日望天迴駕先沾雨洗  
兵雪猶殘歲戀風已舊春情莫更辭藍尾人生未幾  
傾

元日霧

元日昏昏霧塞空出門咫尺誤西東人多失足換城  
塹我亦停車泣路窮欲斬蚩尤開白日還排閭闔拜  
重瞳小臣漫有澄清志安得扶搖萬里風

二日雨

昨朝陰霧埋元日向曉寒雲迸雨聲莫道人爲無感  
召從來天意亦分明安危他日須周勃痛哭當年笑  
賈生坐對殘燈愁徹夜靜聽晨鼓報新晴

三日風

一霧二雨三日風田家卜歲疑凶豐我心惟願兵甲  
解天意豈必斯民窮虎旅歸思憶蒼生  
鑿真消息

望遠宮春盤濁酒聊自慰無使戚戚三吾衷

立春二首

才見春歸春又來春風如舊鬢毛衰梅花未放天機泄萱草先將地脉回漸老光陰逢世難經年懷抱欲誰開孤雲渺渺親庭遠長日斑衣羨老萊

天涯霜雪嘆春遲春到天涯思轉悲破屋多時空杼軸東風無力起瘡痍周王車駕窮南服漢將旌旗守北陲莫訝春盤斷生菜人間菜色正離飢

遊廬山開元寺

僻性尋常慣受猜看山又是百忙來北風留客非無

意南寺逢僧即未回白日高峯開雨雪青天飛瀑瀉

雲雷綠溪踏得支笏地修竹長松覆石臺

又次壁間杜牧韻

春山路僻問歸樵爲指前峯石逕遙僧與白雲還暝壑月隨滄海上寒潮世情老去渾無賴遊興年來獨未消回首孤航又陳迹踈鐘隔渚夜迢迢

舟過銅陵埜云縣東小山有鐵船因往觀之果見其彷彿因題石上

青山滾滾如奔濤鐵船何處來停橈人間剝木寧有此疑是仙人之所操仙人一去已千載山頭日日長

風號船頭出土尚彷彿後岡有石云船稍我行過此  
費忖度昔人用心無乃切由來風波平地惡縱有鐵  
船還未牢秦鞭驅之未能動弄力何所施其篙我欲  
乘之訪蓬島雷師鼓舵虹爲鑱弱流萬里不勝芥復  
恐駕此成徒勞世路難行每如此獨立斜陽首重搔

山僧

巖下蕭然老病僧曾求佛法禮南能論詩自許窺三  
昧入聖無梯出小乘高閣松風飄夜磬石床花雨落  
寒燈更深月出山牕曙漱齒焚香誦法楞

江上望九華山二首

當年一上化城峯十日高眠雷雨巾霽色曉開千嶂  
雪濤聲夜渡九江風此時隔水看圖畫幾歲綠雲住  
桂叢却負洞仙蓬海約玉函丹訣在崆峒  
窮探雖得盡幽奇山勢須從遠望知幾朵芙蓉開碧  
落九天屏嶂列旌麾高同華嶽應無忝名亞匡廬却  
稍卑信是謫仙還具眼九華題後竟難移

觀九華龍潭

飛流三百丈瀕洞祕靈湫峽圻開雷斧天虛下月鉤  
化形時試鉢吐氣或成樓吾欲鞭龍起爲霖遍九州  
廬山東林寺次韻

東林日暮更登山峰頂高僧有蘭若雲蘿磴道石參  
差水聲深澗樹高下遠公學佛却援儒淵明嗜酒不  
入社我亦愛山仍戀官同是乾坤避人者我歌白雲  
聽者寡山自點頭泉自瀉月明壑底忽驚雷夜半天  
風吹屋尾

又次邵二泉韻

昨遊開元殊草草今日東林遊始好手持蒼竹撥層  
雲直上青天招五老萬壑笙竽松籟哀千峯掩映芙  
蓉開坐俯西巖窺落日風吹孤月江東來莫向人間  
空白首富貴何如一杯酒種蓮栽菊兩荒涼惠遠陶  
潛骨何朽乘風我欲還金庭三洲弱水連沙汀他年  
海上望廬谷烟際浮萍一點青

遠公講經臺

遠公說法有高臺一朵青蓮雲外開臺上久無獅子  
吼野狐時復聽經來

太平宮白雲

白雲休道本無心隨我迢迢度遠岑攔路野風吹暫  
斷又穿深樹候前林

書九江行臺壁

九華真實是奇觀更是廬山亦耐看幽勝未窮三日

興風塵已覺再來難  
眼餘五老晴光碧  
衣染天池積翠寒  
却恠寺僧能好事  
直來城市索詩刊

又次李僉事素韻

省災行近郊探幽  
指層甃回颺振玄岡  
頽陽薄西陸  
菑田收積雨禾稼  
泛平業取徑歷竹墟  
停車問耕牧  
清溪厲月行瞑洞  
披雲宿漸米石間溜  
斧薪澗底木  
田翁來聚觀中宵  
尚馳逐將迎愧深情  
瘡痍慚撫掬  
幽枕靜無寐風泉  
朗鳴玉雖繆真訣  
傳頗苦塵緣熟  
終當遁名山鍊藥  
洗凡骨械辭謝親  
交流光易超忽

繁昌道中阻風二首

阻風夜泊柳邊亭  
懶夢還鄉午未醒  
卧穩從教波浪惡  
地深長是水雲真  
入林沽酒村童引  
隔水放歌漁父聽  
頗覺看山緣獨在  
蓬牕剛對一峯青

東風漠漠水濛濛  
花柳沿村春事啟  
泊久漁樵來作市  
心閒麋鹿漸同群  
自憐失脚趨墜土  
長恐歸期負海雲  
正憶山中詩酒伴  
石門延望幾斜曛

江邊阻風散步至靈山寺

歸船不遇打頭風  
行脚何緣到此中  
幽谷餘寒春雪在  
虛簷斜日暮江空  
林間古塔無僧住  
花外仙源有路通  
隨處看山隨處樂  
莫將踪跡嘆萍蓬

泊舟大同山溪間諸生聞之有挾冊來尋者  
扁舟經月住林隈謝得黃鶯日日來兼有清泉堪洗  
耳更多修竹好啣盃諸生涉水携詩卷童子和雲掃  
石苔獨柰華峰隔煙霧時焚策杖上崔嵬

巖下桃花盛開携酒獨酌

小小山園幾樹桃安排春色候停橈開樽旋掃花陰  
石展席平臨松頂濤地遠不須防俗駕溪晴還好着  
漁舸雲間石路稀人跡深處空無避世豪

白鹿洞獨對亭

五老隔青冥尋常不易見我來爽騎白鹿凌空陟飛巘

長風捲浮雲寒帷始窺面一笑仍舊頰媿我顏先變  
我來爾爲主乾坤亦郵傳海燈照孤月靜對有餘眷  
彭蠡浮一觴賓主聊酬勸悠悠萬古心默契可無辯

豐城阻風

前歲遇難於此  
得北風幸免

北風休嘆北船窮此地曾經拜北風句踐敢忘嘗膽  
地齊威長慎射鈎功橋邊黃石機先授海上陶朱意  
頗同況是倚門衰白甚歲寒茅屋萬山中

江上望九華不見

五旬三過九華山一度陰寒一度雨此來天色稍晴  
明忽復昏霾起亭午平生山水最多緣獨此相逢容

有數人言此山天所秘山下居人不常睹蓬萊涉海  
或可求瑤水崑崙俱舊遊洞庭何止吞八九五嶽曾  
向囊中收不信開雲掃六合手扶赤日照九州駕風  
騎氣覽八極視此瑣屑真浮漚

江施二生與醫官陶堃冒雨登山人多笑之戲  
作歌

江生施生頗好奇偶逢陶堃竒更痴共言山外有佳  
寺勸予往遊爭願隨是時雷雨雲霧塞多傳險滑難  
車騎兩生力陳道非遠堃請登高覘路岐三人冒雨  
陟岡背旣仆復起相牽携同儕笑招之返奮袂徑

往凌嶽崎歸來未暇顧沾濕且說地近山逕夷青休  
宿靄漸開靈碧巘絳氣浮微曦津津北山在在與  
劇不道傍人嗤予亦對之成大笑不覺老興如童時  
平生山水已成癖歷深探隱忘飢疲年來世務頗羈  
縛逢場遇境心未衰堃本求仙志方外兩生學士亦  
爾爲世人趨逐但聲利赴湯蹈火甘傾危解脫塵囂  
事行樂爾輩狂簡翻見譏歸與歸與吾與爾陽明之  
麓終爾期

遊九華道中

微雨山路滑山行入輕舟桃花夾岸迷遠近迴壑疊

嶂盤深幽奇峰應接勞回首瞻之在前忽在後不道  
舟行轉屈曲但恠青山亦奔走薄午雨霽雲亦開青  
鞋布襪無塵埃梅蹊柳徑度村落長松白石穿林隈  
始攀風磴出木杪更俯懸崖聽瀑雷亂山高頂藏平  
野茆屋高低自成社此中那得有人家恐是當年避  
秦者西巖日色漸欲下且向荆林秣吾馬世途濁隘  
不可居吾將此地成蘭若

芙蓉閣

九華之山何崔嵬芙蓉直傍青天栽剛風倒海吹不  
動大雪裂地凍還開夜半峯頭掛明月宛如玉女臨

重遊無相寺次韻四首

遊興殊未盡塵寰不可留山青只依舊白盡世間頭  
其二

人迹不到地茆茨亦數間借問此何處云是九華山  
其三

拔地千峰起芙蓉埤曉寒當年看不足今日復來看  
其四

瀑流懸絕壁峯月上寒空鳥鳴蒼磴底僧住白雲中

登蓮花峯

蓮花頂上之僧是脚踏蓮花不染泥夜半華心吐明  
月一照蕊三珠

言近 月守次舊韻

舊識心 未竟也從谷口問桃花屢攀絕棧經殘  
雪幾心清 虎心機多共境鳥飛不到有  
僧家頗來休下仙翁榻 雲頭一片霞

登雲峯望始盡九華之勝因復作歌

九華之峯九十九此語相傳俗人口俗人眼淺見皮  
膚焉測其中之所有我登華頂拂雲霧極目奇峯那  
有數三壑中藏萬玉林大劍長鎗贊武庫有加習者

深解藏復如淑女避讒妬聞然過世不求知卑已首  
人羞逞露何人不道九華奇奇中之奇人未知我欲  
窮搜盡指出秘藏恐是天所私旋解詩囊旋收拾脫  
穎露出錐參差從來題詩李白好渠於此山亦潦草  
曾曰土維畫朝川安得渠來拂纖縞

桐王齋

雙峯京如錐處囊中深藏未脫穎  
盛德心無事幽人研多屏悠然望雙峯可以發深省  
詩 華亭來迎且請詩

更望華山僧接故事要我到渠家

自謂這已至那知望轉佳正如酣醉後醒酒卻須茶  
無相寺金沙泉次韻

黃金不布地傾汴瀉流泉潭淨長開鏡池分或鑄蓮  
興雲爲大雨濟世作豐年縱有貪夫過清風自灑然

夜宿天池月下聞雷次早知山下大雨三首

昨夜月明峰頂宿隱隱雷聲在山麓曉來却問山下  
人風雨三更捲茆屋

野人權作青山主風景朝昏頗裁取巖傍日脚半溪

雲山下雷聲一村雨

天池之水近無主木魅山妖競偷取公然又盜山頭

雲去向人間作風雨

文殊臺夜觀佛燈

老夫高卧文殊臺拄杖夜撞青天開散落星辰滿平  
野山僧盡道佛燈來

書汪進之太極巖二首

一竅誰將混沌開千年樣子道州來須知太極元無  
極始信心非明鏡臺

始信心非明鏡臺須知明鏡亦塵埃人人有箇圓圈  
在莫向蒲團坐死灰

勸酒

平生忠赤有天知，便欲欺人肯自欺。  
毛髮暗從愁裏改，世情明向笑中危。  
春風脉脉回枯草，殘雪依依戀舊枝。  
謾對芳流辭酩酊，機關識破已多時。

重遊化城寺二首

愛山日日望山晴，忽到山中眼自明。  
鳥道漸非前度險，龍潭更比舊時清。  
會心人遠空遺洞，識面僧來不記名。  
莫謂中丞喜忘世，前途風浪苦難行。

山寺重來十九秋，舊僧零落老比丘。  
蒼松盡長青冥綠，瀑水猶懸翠壁流。  
人住層崖嫌洞淺，鳥鳴春磴覺幽年。  
來別有閑尋意，不似當時浪遊。

遊九華

九華原亦是移文，錯恠山頭日日雲。  
乘興未甘回俗駕，初心終不負靈均。  
紫芝香煖春堪茹，青竹泉高晚更分。  
幽夢已分塵土累，清猿正好月中聞。

弘治壬戌嘗遊九華，值時陰霧竟無所見。至是正德庚辰復往遊之，風日清朗，盡得其勝，喜而作歌。

昔年十日九華住，雲霧終旬竟不開。  
有時昏夜入寶藏，兩目無覩成空回。  
每逢好事談竒勝，即思策蹇還一來。  
頻年驅逐事戎革，出入賊壘衝風埃。  
恐恐晝夜

不遑息豈復山水能徘徊鄱湖一戰偶天幸遠隨歸  
凱佇江隈是時軍務頗多暇況復我馬方虺噴舊遊  
諸生亦群集遂將童冠登崔嵬先是霏靄尚暝晦却  
疑山意猶嫌猜有與一入青陽境忽然白日開西嶺  
長風擁篲掃浮陰九十九峯如夢醒群巒踴躍爭獻  
奇兒孫俯伏摩其頂今來始識九華面恨無詩筆爲  
傳影層樓疊閣寫未工千朵芙蓉抽玉井恠哉造化  
亦安排天下奇山此兼并攬衣登高望八荒雙闕下  
見日月光長江如帶繞山麓五湖七澤皆陂塘蓬瀛  
海上浮拳石舉足可到虹可梁仙人爲我啓閭闔

軒鶴駕紛紛翺翔從茲脫屣謝塵世飄然拂袖凌蒼蒼

### 巖頭閒坐謾成

盡日巖頭坐落花不知何處是吾家靜聽谷鳥遷喬  
木閒看林蜂散午衙翠壁泉聲穿亂石碧潭雲影透  
晴沙痴兒公事真難了須信吾生自有涯

### 將遊九華移舟宿寺山二首

逢山未愜意落日更移船峽寺緣溪逕雲林帶石泉  
鐘聲先度嶺月色已浮川今夜巖房宿寒燈不待懸

### 其二

維舟谷口傍煙霏共說前岡石徑微竹杖穿雲尋寺

宿藤筐採藥帶花歸  
諸土晚佩蘭芳  
杜野老春霞綴  
衲衣風詠不瀕浙  
水上石山明月更清輝

登雲峰二三子詠歌以從欣然成誼二首

淳氣日凋薄鄒魯亡  
真承世儒曰臆說  
愚瞽相因仍  
晚途益淪溺手援吾  
不能棄之入煙霞  
高歷雲峯層  
開茅傍虎穴結屋依  
巖僧豈曰事高尚  
庶免無予憎  
好鳥求其侶嚶嚶林  
間鳴而我在空谷焉  
得無良朋  
飄飄二三子春服來  
從行詠歌見真性  
逍遙無俗情  
各勉希聖志毋爲塵  
所縈

深林之鳥何間關  
我本無心雲自閒  
大舜亦與木石

處醉翁惟在山水間  
晴窓展卷有會意  
絕壁題詩無  
厚顏顧謂從行二三子  
隨遊柴鹿俱忘還

有僧坐巖中已三年詩以勵吾黨

莫恠巖僧木石居  
吾儕真切幾人如  
經營日夜身心  
外剽竊糠粃齒頰餘  
俗學未堪欺老衲  
昔賢取善及  
陶漁年來奔走成  
何事此日斯人亦  
起予

春日遊齊山寺用杜牧之韻二首

即看花發又花飛  
空向花前嘆式微  
自笑半生行脚  
過何人未老乞身  
歸江頭鼓角翻春  
浪雲外旌旗閃  
落暉羨殺山中麋  
鹿伴千金難買芟  
荷衣

倦鳥投枝已亂飛林間暝色漸霏微春山日暮成孤  
坐遊子天涯正憶歸古洞濕雲含宿雨碧溪明月弄  
清暉桃花不管人間事只笑山人未拂衣

重遊開元寺戲題壁

中丞不解了公事到處看山復尋寺尚爲妻奴守俸  
錢至今未得休官去三月開花兩度來寺僧倦客門  
未開山靈似嫌俗士駕溪風攔路吹人回君不見富  
貴中人如中酒折腰解醒須五斗未妨適意山水間  
字名于我亦何有

賈胡行

下尚懷憤不平若是者耶

秋夜卧小閣夢遊滄海濱海上神山不可到金銀宮  
闕高嶙峋中有仙人芙蓉巾顧我宛若平生親欣然  
就語下烟霧自言姓名郭景純携手歷歷訴衷曲義  
憤感激難具陳切齒尤漂怨王導深奸老猾長欺人  
當年王敦覬神器道實陰主相緣夤不然三問三不  
答胡忍使敦殺伯仁寄書欲拔太真舌不相爲謀敢  
爾云敦病已篤事已去臨哭嫁禍復賣敦事成同享  
帝王貴事敗仍爲顧命臣幾微隱約亦可見世史掩  
覆多失真袖出長篇再三讀覺來字字能書紳開牕

試抽晉史閱中間事迹頗有因因思景純有道者世  
移事往千餘春若非精誠果有激豈得到今猶憤噴  
無成之語以筮戒敦實氣沮竟殞身人生生死亦不  
易誰能視死如輕塵燭微先幾炳易道多能餘事非  
所論取義成仁忠晉室龍逢龔勝心可倫是非顛倒  
古多有吁嗟景純終見伸御風騎氣遊八垠彼敦之  
徒草木糞土臭腐同沉淪

我諳陽明道故知未來事時人不我識遂傳就一  
技緬思王導徒神器良父觀諸謝豈不力伯仁見  
蘊底所以敦者備罔顧天經與地義不然當百口未

得明珠藏珠剖其  
輕也重外物賈胡一何愚  
走聲利途鑽求富貴未能  
惶惶憂毀譽終宵惕惕  
級仍甘九族誅胥靡接踵  
送邵文實方伯致

君不見梔下鷄引  
毛羽脫落充庖厨  
籠關一日入層雲  
真胡爲利祿纏其身  
啼稻梁已足脂漸肥  
鶴歛翼垂頭困牢落  
廖廓人生山水須認  
盡桎梏雲臺麟閣皆

埃塵鴟夷抱恨浮江水何以扁舟逃海濱舜水龍山  
予舊宅讓公且作煙霞伯公家便擬逐公回爲予先  
掃峰頭石

記夢 并序

正德庚辰八月廿八夕卧小閣忽夢晉忠臣  
郭景純氏以詩示予且極言王導之奸謂世  
之人徒知王敦之逆而不知王導陰主之  
其言甚長不能盡錄覺而書其所示詩於壁  
復爲詩以紀其畧嗟乎今距景純若干年矣  
非有實惡深冤鬱結而未暴寧有數千載之

負托何忍置之死我於斯時知有分日中斬棘  
我死何足悲我生良有以九天一人撫膺笑晉室  
諸公亦可耻舉目山河徒嘆非携手登亭空灑淚  
王導真奸雄千載人未議偶感君子談中及重與  
寫真記固知倉卒不成文自今當與頻譖戲倘其  
爲我一表揚萬世萬世萬萬世

右晉忠臣郭景純自述詩蓋予夢中所得者  
因表而出之

無題

巖頭有石人爲我下嶙峋脚踏破履五十兩身披舊

衲四十斤任重致遠香象力餐霜坐雪金剛身夜寒  
雙虎與溫足雨後禿龍來伴宿手握頑磚鏡未光舌  
底流泉梅未熟夜來拾得遇寒山翠竹黃花好共看  
同來問我安心法還解將心與汝安

遊落星寺

女媧煉石補天漏璇璣晝夜無停走自從墮却玉衡  
星至今七政迷前後渾儀晝夜徒揣摩敬授人時亦  
何有玉衡墮却此湖中眼前誰是補天手

遊通天巖示鄒陳二子

鄒陳二子皆好遊一往通天十日留候之來歸久不  
至我亦乘興聊尋幽巖扉日出雲氣浮二子晞髮登  
巖頭谷轉始聞人語響蒼壁杳杳長林秋嗒然坐我  
亦忘去人生得休且復休採芝共約陽明麓白首無  
慚黃綺儔

青原山次黃山谷韻

恣觀歷州郡驅馳倦風埃名山特乘暇林壑盤縈迴  
雲石綠欹逕夏木深層隈仰窮嵐霏際始覩臺殿開  
衣傳西竺舊構遺唐宋材風松溪溜急湍響空山哀  
妙香隱玄洞僧屋懸穹崖扳依儼龍象陟降臨緯階  
飛泉瀉靈竇曲檻連雲棖我來慨遺迹勝事多湮埋

邈矣西方教流傳遍中垓如何皇極化反使吾人猜  
剝陽辛未絕生意存枯荻傷心眼底事莫負生前盃  
煙霞有本性山水乞歸骸崎嶇羊腸坂車輪幾傾摧  
蕭散麋鹿伴澗谷終追陪恬愉返真澹聞寂辭喧逐  
至樂發天籟絲竹謝滛哇千古自同調豈必時代偕  
玆重二三子茲遊非偶來且從山叟宿勿受役夫催  
東峰上烟月夜景方徘徊

睡起偶成

四十餘年睡夢中而今醒眼始朦朧不知日已過停  
午起向高樓撞曉鐘

起向高樓撞曉鐘尚多昏睡正懵懵縱今日暮醒猶  
得不信人間耳盡聾

立春

荒村亂後耕牛絕城郭春來見土牛家業苟存鄉井  
戀風塵先幸甲兵休未能布德慚時令聊復題詩寫  
我憂為報胡雛須遠塞暫時邊將駐南州

遊廬山開元寺

清晨入谷到斜曛徧歷青霞躡紫雲闔闔遠從雙劍  
闕銀河真自九天分驅馳此日原非暇夢想當年亦  
自勤斷擬罷官來駐此不教林鶴更移文

登小孤次陸良弼韻

看盡東南百二峯小孤江上是真龍攀龍我欲乘風  
去高躡層霄絕世踪

月下吟三首

露冷天清月更輝可堪遊子倍沾衣催人歲月心空  
在滿眼兵戈事漸非方朔本無金馬意班超惟願玉  
門歸白頭應倚庭前樹恠我還期秋又違

江天月色自清秋不管人間底許愁謾憶翠華旋北  
極正憐白髮倚南樓狼烽絕塞寒初入鶴怨空山夜  
未休莫重三公輕一日虛名真覺是浮漚

依依牕月夜還來渺渺鄉愁坐未回素位也知非自  
得白頭無奈是親衰當年竹下曾裘仲何日花前更  
老萊懇疏乞骸今幾上中宵翹首望三台

月夜二首

高臺月色倍新晴極浦浮沙遠櫓平客久欲迷鄉國  
望亂餘愁聽鼓鼙聲湖南水潦頻移粟磧北風煙且  
罷征濡手未辭援溺苦白頭方切倚闌情

舉世因酣睡而誰偶獨醒疾呼未能起瞪目相恠驚  
反謂醒者狂群起環闔爭洙泗擊金鐸濂浴傳微聲  
誰鳴雷門鼓聞者皆昏冥嗟爾欲奚為奔走皆營營

何當聞此鼓開爾天聰明

雪望四首

風雪樓臺夜更寒曉來霽色滿山川  
當歌莫放陽春調幾處人家未起煙

初日湖山雪未融野人村落閉重重  
安居信是豐年兆為語田夫莫惰農

霽景朝來更好看河山千里思漫漫  
茅簷日色猶堪曝應是邊關地更寒

法象冥濛失巨纖連朝風雪費粧嚴  
誰將塵世化珠玉好與貧家聚米鹽

火秀宮次一峯韻三首

茲山堪遁迹上應少微星洞裏乾坤別  
壺中日月明道心空自警塵夢苦難醒  
方嶠由來此虛無隔九瀆

其二

清溪曲曲轉層林始信桃源路未深  
晚樹煙霏山閣靜古松雷雨石壇陰  
丹爐遺火飛殘藥仙樂浮空寄絕音  
莫道山人才一到千年陳迹此重尋

其三

落日下晴江悵望閣道晚人言玉笥更奇絕  
漳口停舟路非遠肩輿取徑沿村落  
心目先馳嫌足緩山昏

欲就雲儲眠疎林月色冷風泉夢魂忽忽到真境侵  
曉循迹來洞天洞天非人世予亦非世人當年曾此  
寄一迹屈指忽復三千春巖頭坐石剝落盡手種松  
栢枯龍鱗三十六峯僅如舊澗谷漸改溪流新空中  
仙樂風吹斷化爲鼓角驚風塵風塵慘淡半天地何  
當一掃還吾真從行諸生駭吾說問我恐是茲山神  
君不見廣成子高卧崆峒長不死到今一萬八千年  
陽明真人亦如此

歸懷

行年忽五十頓覺毛髮改四十九年非童心獨猶在  
世故漸改涉遇坎稍無礙每當快意事退然思

傾否俟聖作物觀豈不快奈何桑梓懷衰白倚門待

啾啾吟

知者不惑仁不憂君胡戚戚眉雙愁信步行來皆坦  
道憑天判下非人謀用之則行舍即休此身浩蕩浮  
虛舟丈夫落落掀天地豈顧束縛如窮囚千金之珠  
彈鳥雀掘土何煩用蠲鏤君不見東家老翁防虎患  
虎夜入室啣其頭西家兒童不識虎執竿驅虎如驅  
牛痴人懲噎遂廢食愚者畏濁先自投人生達命自  
灑落憂讒避毀徒啾啾

居越詩三十四首

正德辛巳年  
歸越後作

歸興二首

百戰歸來白髮新  
青山從此作閒人  
峯攢尚憶衝蠻陣  
雲起猶疑見虜塵  
島嶼微茫滄海暮  
桃花爛熳武陵春  
而今始信還丹訣  
却笑當年識未真

其二

歸去休來歸去休  
千貂不換一羊裘  
青山待我長爲主  
白髮從他自滿頭  
種菓移花新事業  
茂林脩竹舊風流  
多情最愛滄州伴  
日日相呼理釣舟

次謙之韻

珍重江船冒暑行  
一宵八語更分明  
須從根本求生死  
莫向支流辯濁清  
又奈世儒橫臆說  
競搜物理外人情  
良知底用安排得  
此物由來自渾成

再遊浮峯次韻

廿載風塵始一回  
登高心在力全衰  
偶懷勝事乘春到  
况有良朋自遠來  
還指松蘿尋舊隱  
掃開雲石翦蒿萊  
後期此別知何地  
莫厭花前勸酒盃

夜宿浮峯次謙之韻

日日春山不厭尋  
野情原自懶朝簪  
幾家茅屋山村靜  
夾岸桃花溪水深  
石路草香隨鹿土  
洞門蘿月聽

猿吟禪堂坐久發清磬却笑山僧亦有心

再遊延壽寺次舊韻

歷歷溪山記舊踪寺僧遙住翠微重扁舟曾泛桃花  
入岐路新多草樹封谷口鳥聲兼伐木石門煙火出  
深松年來百好俱衰薄獨在幽探興尚濃

碧霞池夜坐

一雨秋涼入夜新池邊孤月倍精神潛魚水底傳心  
訣棲鳥枝頭說道真莫謂天機非嗜欲須知萬物是  
吾身無端禮樂紛紛議誰與青天掃宿塵

秋聲

秋來萬木發天聲點瑟回琴日夜清絕調迥隨流水  
遠餘音田入晚雲輕洗心真已空千古傾耳誰能辯  
九成徒使清風傳律呂人間瓦缶正雷鳴

林汝桓以二詩寄次韻爲別

斷雲微日半陰晴何處高梧有鳳鳴星漢浮槎先入  
夢海天波浪不須驚魯郊已自非常典膳肉寧爲脫  
冕行試向滄浪歌一曲未云不是九韶聲

堯舜人人學可齊昔賢斯語豈無稽君今一日真千  
里我亦當年苦舊迷萬理由來吾具足六經原只是  
階梯山中儘有閑風月何日扁舟更越溪

月夜二首

與諸生歌  
于天泉橋

萬里中秋月正晴  
四山雲靄忽然生  
須臾濁霧隨風散  
依舊青天自月明  
肯信良知原不昧  
從他外物豈能撓  
老夫今夜狂歌發  
化作鈞天滿太清  
處處中秋此月明  
不知何處亦群英  
須憐絕學經千載  
莫負男兒過一生  
影響尚疑朱仲晦  
支離羞作鄭康成  
鏗然舍瑟春風裏  
點也雖狂得我情

秋夜

春園花竹始非非  
又是高秋落木稀  
天迥樓臺含氣象  
月明星斗避光輝  
閒來心地如空水  
靜後天機見隱微  
深院寂寥群動息  
獨憐烏鵲繞枝飛

夜坐

獨坐秋庭月色新  
乾坤何處更閒人  
高歌度與清風去  
幽意自隨流水春  
千聖本無心外訣  
六經須拂鏡中塵  
却憐擾擾周公夢  
未及惺惺陋巷貧

心漁爲錢翁希明別號題

有漁者歌曰  
漁不以目惟以心心不在魚  
漁更深北溟之鯨殊小小一舉六鰲未足歆  
敢問何如其爲魚耶曰  
吾將以斯道爲網良知爲網太和爲餌  
天地爲魴絜之無意歆之無方是謂得無所得而忘無可忘

者矣

登香爐峯次蘿石韻

曾從爐鼎躡天風下數天南百二峯勝事縱為多病  
阻幽懷還與故人同旌旗影動星辰北鼓角聲迴滄  
海東世故茫茫渾未定且乘溪月放歸篷

觀從吾登爐峰絕頂戲贈

道人不柰登山僻日暮猶思絕棧雲巖底獨行牙虎  
穴峰頭清嘯亂猿群清溪月出時尋寺歸棹城隅夜  
扣門可笑中郎無好興獨留松院坐黃昏

書扇贈從吾

色畎畝常懷老圃心自有牡丹堪富貴也從蜂蝶  
追尋年年開落渾閒事來賞何人共此襟

天泉樓夜坐和蘿石韻

莫厭西樓坐夜深幾人今夕此登臨白頭未是形容  
老赤子依然混沌心隔水鳴榔聞過棹映牕殘月見  
踈檣看君已得忘言意不是當年只苦吟

詠良知四首示諸生

箇箇人心有仲尼自將聞見苦遮迷而今指與真頭  
面只是良知更莫疑

問君何事日憧憧煩惱場中錯用功莫道聖門無口

訣良知兩字是參同

人人自有定盤針萬化根源本在心却笑從前顛倒  
見枝枝葉葉外頭尋

無聲無臭獨知時此是乾坤萬有基拋却自家無盡  
藏沿門持鉢效貧兒

示諸生三首

爾身各各自天真不用求人更問人但致良知成德  
業謾從故紙費精神乾坤是易原非畫心性何形得  
有塵莫道先生學禪語此言端的爲君陳  
人人有路透長安坦坦平平一直看盡道聖賢須有

秘翻嫌易簡却求難只從孝弟爲堯舜莫把辭章學

柳韓不信自心原具足請君隨事反身觀

長安有路極分明何事幽人曠不行遂使蓁茅成間  
塞儘教糜鹿自縱橫徒聞絕境勞懸想指與迷途却  
浪驚冒險甘投蛇虺窟顛崖墮壑竟亡生

答人問良知二首

良知即是獨知時此知之外更無知誰人不有良知  
在知得良知却是誰

知得良知却是誰自家痛癢自家知若將痛癢從人  
問痛癢何須更問爲

答人問道

饑來喫飯倦來眠只此修行玄更玄說與世人渾不信却從身外覓神僊

寄題玉芝庵

丙戌

塵途駿馬勞千里月樹鷓鴣足一枝身既了時心亦了不須多羨碧霞池

別諸生

綿綿聖學已千年兩字良知是口傳欲識渾淪無斧鑿須從規矩出方圓不離日用常行內直造先天未畫前握手臨岐更何語慇懃莫媿別離筵

後中秋望月歌

一年兩度中秋節兩度中秋一樣月兩度當筵望月人幾人猶在幾人別此後望月幾中秋此會中人知在否當筵莫惜慇懃望我已衰年半白頭

書扇示正憲

汝自冬春來頗解學文義吾心豈不喜顧此枝葉事如樹不植根暫榮終必瘁植根可如何願汝且立志送蕭子雖憲副之任

衰疾悟止足閒居便靜修採芝深谷底考槃南澗頭之子亦早見枉帆經舊丘幽尋意始結公期已先道

星途觸來暑拯焚能自由黃鵠一高舉剛風翼難收  
懷茲戀丘隴回顧未忘憂徃志局千里豈伊枋榆投  
哲士營四海細人聊自謀聖作正思治吾衰亮可酬  
所望登才俊濟濟揚鴻休隱者嘉連遜仕者當誰儔  
寧無寥寂念宜急瘡痍瘳舍藏應有時行矣毋淹留

中秋

去年中秋陰復晴今年中秋陰復陰百年好景不多  
遇况乃白髮相侵尋吾心自有光明月千古團圓永  
無缺山河大地擁清輝賞心何必中秋節

嘉靖丙戌十二月庚申始得子年已五十有五

庚六有靜齋二丈昔與先公同舉于鄉聞之而

喜各以詩來賀藹然世交之誼也次韻爲謝

海鶴精神老益強晚途詩價重圭璋洗兒惠比金錢  
貴爛目光呈奎井祥何物敢云繩祖武他年只好共  
爺長偶逢燈事開湯餅庭樹春風轉歲陽

其二

自分秋禾後吐芒敢云琢玉晚成璋漫憑先德餘家  
慶豈是生申降嶽祥携抱且堪娛老况長成或可望  
書香不辭歲歲臨湯餅還見吾家第幾郎

兩廣詩二十一首

嘉靖丁亥起  
平思田之亂

秋日飲月巖新構別王侍御

湖山久繫念愧處限形迹遙望一水間十年靡由即  
軍旅起衰廢驅馳豈遑息前旌道回岡取捷上崎側  
新構鬱層椒石門轉深寂是時霜始降風淒群卉拆  
壑靜響江聲惚虛涵海色夕陰下西岑涼月穿東壁  
觀風此餘情撫景見高臆匪從群公餞何因得良覲  
南徼方如燬救焚敢辭亟來歸幸有期終遂幽尋僻

復過釣臺

憶昔過釣臺驅馳正軍旅十年今始來復以兵戈起  
空山煙霧深往迹如夢裏微雨林逕滑肺病變足厭

仰瞻臺上雲俯濯臺下水人生何碌碌高尚當如此  
瘡痍念同胞至人匪爲已過門不遑入憂勞豈得已  
滔滔良自傷果哉末難矣

右正德己卯獻俘行在過釣臺而弗及登今  
茲復來又以兵革之役兼肺病足瘡徒顧瞻  
悵望而已書此付桐廬尹沈元材刻置亭壁  
聊以紀經行歲月云耳嘉靖丁亥九月廿二  
日書時從行進士錢德洪王汝中建德尹楊  
思臣及元材凡四人

方思道送西峯

西峯隱真境微境歸通衢行役空屢屢過眼俱塵迷  
青林外延望中闕何由窺方子巖廊器兼抱雲霞姿  
每逢泉石處必刻棠陵詩茲山秀常玉之子囊中錐  
群峯灝秋氣喬木含涼吹此行非佳餞誰爲發幽竒  
柰何眷清賞局促牽至期悠悠傷絕學之子亦如斯  
爲君指周道直往勿復疑

西安雨中諸生出候因寄德洪汝中并示書院

諸生

幾度西安道江聲暮雨時機關鷗鳥破踪跡水雲疑  
仗鉞非吾事傳經媿爾師太真泉石秀新有鹿門期

德洪汝中方卜書院盛稱天真之竒并寄及之  
不踏天真路依稀二十年石門深竹逕蒼峽瀉雲泉  
泮壁環胥海龜疇見宋田文明原有象卜築豈無緣  
寄石潭二絕

僕茲行無所樂樂與二公一會耳得見閑齋  
固已如見石潭矣留不盡之興於後期豈謂  
樂不可極邪聞尊恙已平復必於不出見客  
無乃太以界限自拘乎奉次二絕用發一笑  
且以致不及請教之憾

見說新居止隔山眉與曉出暮堪還知公文已藩籬

撤何事深林尚閉關  
乘興相尋涉萬山  
屣屣亦復及門還  
莫將身病爲心病  
可是無關却有關

長生

長生徒有慕苦乏  
大藥資名山遍探歷  
悠悠髮生絲微軀一  
繫念去道日遠而中  
歲忽有覺九還乃在  
茲非爐亦非鼎何坎  
復何離本無終始究  
寧有死生期彼哉遊  
方士詭辭友增疑紛  
然諸老翁自傳困多  
岐乾坤由我在安用  
他求爲千聖皆過影  
良知乃吾師

南浦道中

南浦重來夢裏行  
當年鋒鏑尚心驚  
旌旗不動山河影  
鼓角猶傳草木聲  
已喜閭閻多復業  
獨憐饑饉未寬征  
迂踈何有甘棠惠  
慚愧香燈父老迎

重登黃土腦

一上高原感慨重  
千山落木正無窮  
前途且與停西日  
此地曾經拜北風  
劒氣晚橫秋色淨  
兵聲寒帶暮江雄  
水南多少流亡屋  
尚訴征求杼軸空

過新溪驛

猶記當年築此城  
廣猺胡寇正縱橫  
人今樂業皆安堵  
我亦經過一駐兵  
香火沿門慚老稚  
壺漿遠道及

從行峯山擎手疲勞甚且放歸休莫送迎

夢中絕句

此予十五歲時夢中所作今拜伏波祠下宛如夢中茲行殆有不偶然者因識其事于此卷甲歸來馬伏波早年兵法髮毛皤雲埋銅柱雷轟柝六字題詩尚不磨

謁伏波廟二首

四十年前夢裏詩此行天定豈人爲徂征敢倚風雲陣所過湏同時兩師尚喜遠人知向望却慚無術救瘡痍從來勝算歸 廊廟耻說兵戈定四夷

樓船金鼓宿烏蠻魚麗群舟夜上灘月遶旌旗千障靜風傳鈴柝九溪寒荒夷未必先聲服神武由來不殺難想見虞廷新氣象兩階干羽五雲端

破斷藤峽

才看干羽格苗夷忽見風雷起戰旗六月徂征非得已一方流毒已多時遷賓玉石分湏早柳慶雲霓怨莫遲嗟爾有司懲既往好將恩信撫遺黎

平八寨

見說韓公破此蠻豺豨十萬騎連山而今止用三千卒遂爾收功一月間豈是人謀能奮勝偶逢天助及

師還窮搜極討非長計須有恩威化梗頑

### 南寧二首

一駐南寧五月餘始因送遠過僧廬浮屠絕壁經殘  
燹井灶沿村見廢墟撫恤尚慚凋弊後遊觀正及省  
耕初近聞襁負歸徭獍莫陋夷方不可居

勞矣田人莫遠迎瘡痍未定犬猶驚燹餘破屋湏先  
緝雨後荒畬莫廢耕歸喜逃亡來負襁貧憐縵綺綴  
旗旌 聖朝恩澤寬如海甌鮒盆魚縱爾生

往歲破補岡宗舜祖世麟老宣慰實來督兵今  
茲思田之役乃隨父致仕宣慰明輔來從事目

擊其父子孫三世皆以忠孝相承相尚也詩以

嘉之

宣慰彭明輔忠勤晚益敦歸師當五月冒暑淨蠻氛  
曩霄雖已老報 國意尤懃五月衝炎暑回軍立戰  
勲

愛爾彭宗舜少年多戰功從親心已孝報國意尤忠

### 題甘泉居

我聞甘泉居近連菊坡麓十年勞夢思今來快心目  
徘徊欲移家山南尚堪屋渴飲甘泉泉飢食菊坡菊  
行看羅浮雲此心聊復足

書泉翁壁

我祖死 國事肇裡在增城荒祠幸新復適來奉初  
蒸亦有兄弟好念年思一尋蒼蒼蕪葭色宛隔環瀛  
深入門散圖史想見抱膝吟賢郎敬父執童僕意相  
親病軀不遑宿留詩慰慇懃落落千百載人生幾知  
音道同著形迹期無負初心

陽明先生文錄卷之十四



所  
圖  
書  
印